

欽惟我

皇上憲

天勅政

省歲勤民

萬幾餘暇每舉時令發為

聲詩於豳風時序

清寧合撰

上冊

恭跋

寓植基敦本之思焉於耕織圖

示羣黎日用之經焉於棉花圖

志萬民衣被之源焉茲復以

睿製二十四氣詩俾臣等敬謹展讀紬繹而

皇上三復之竊以

宸詠之廣大精深皆



聖心之無逸作所也懿古觀天時敬民事莫
先於黃帝之迎日推策其大要在建氣
物分數氣則中氣之由來尚矣堯典以
閏月定四時成歲謂日與天會有氣盈
月與日會有朔虛積氣朔之數而閏以
生斗之所建是為中氣日月所在斗指

清寧合撰

上冊 恭跋

二

兩辰之間故以為閏也夏小正具十二
月而無中氣有候應而無日數至於時
訓乃五日為候三候為氣事具詳於周
書月令而文散見於大小戴記之篇古
帝王奉天出治莫不由此蓋天道好生
民生在勤聖人與天合德因其長養收

藏之時定為作訛成易之準故肅又括
謀聖一德運乎五行而水火金木土與
穀列為六府承天之時因地之宜給人
之欲所為以一貫三官陰陽調元化也
所由順四序而蕃庶植成百物而阜兆
民也是故布之為四時紀之為十二辰

清寧合撰

上冊

恭跋

三

析之為七十二候而統之於二十四氣
以節寒暑以課樹穫以考星紀以覘雲
物自漢以來易通卦驗陰陽五行時令
明堂月令時則訓諸書或密於占候或
詳於班政皆博采前聞著為典策至若
史籍所載五郊迎氣之儀四時讀令之

法大率講求方色擔拾彌文資掌故於
儒生飭司存而固敦罕有能精心昭事
奉若不違敷政教以為民極者也

國家授時布令式循前軌

皇上政肅璣衡時和玉燭凡紹

天闡繹之治皆

清寧合撰

上冊 恭跋

四

彛訓聰聽之文

作

述相承同符合撰如

御製幽風時序耕織圖棉花圖諸

鉅什皆仰秉

列聖之廣題

發揮經世之體要茲之

詠二十四氣則又恭本

高宗純皇帝聖製七十二候稟括

成吟引伸觸類自農祥晨正之期以逮擊壤

除田之候珠聯繩貫玉潤金相而卉木

禽鳥芸生蠕動之屬足以審節氣而驗

清寧合撰

上冊 恭跋

五

民事者罔弗賅而及焉惟天行健故宿

離躔度弦望晦朔之翰運而歲功成惟

聖法

天故雨暘寒燠歲月日時之通正而王道備惟

聖主塵念斯民於衣食農桑閭閻瑣屑之務

必周以詳故

上帝降康合袂禧禔祐億兆京垓之積而未有

艾由是適陘游原遐濶泳沫

一人甄陶元氣於上萬物沐浴

膏澤於下

德施大而

世曼壽唐我皇我皇我唐我臣慶桂臣董誥

清寧合撰

上冊 恭跋

六

臣戴衢亨臣趙秉冲臣英和臣周系英

臣王以銜臣席煜臣姚元之拜手稽首

恭跋

清寧合撰 上冊

詠二十四氣 有序

清寧合撰

目錄

稿二十四篇

清寧合撰

上冊

清寧合撰 下冊

皇興圖樂府

清寧合撰

目錄

二

皇興圖樂府

清寧合撰 下冊

清寧合撰

上冊

詠二十四氣

有序

三百六句仰

帝樞之翰運七十二候欽

聖製以昭垂惟太平調協氣之符斯通正

合周天之矩溯念徵於疇範疊紹

清寧合撰

上冊

一

前謨勤變理於璣衡踵成新什粵自義經

畫卦取象四時農帝課耕肇區八節

有熊漸開夫六術大撓始測夫五行

瞻斗綱以別幹支是生神策驗晷刻

而權消息特掌靈臺設分至啓閉以

名官考羸縮疾徐而紀歲志釐工於



堯典事冠虞書繫小正於夏時語徵
戴記顧臚十二月之序候應以中氣
為憑欲探甲子朔之元日至雖千歲
可定若乃時訓義賅乎政要汲冢留
餘月令名列於學官曲臺近古候積
三而為氣數應當暮辰指兩以無中

清寧合撰

上冊

二

法參置閏合孟仲季之鱗次為二十
四之環周仁體於元迓農祥而晨見

立春

水生於一滋木德以春榮

雨水

盛陽彰啓蟄之工地雷奮出

驚蟄合

社助祈穰之福日夜平分

春分

頌新

火於千家芳羨秀茁

清明

布濃膏於

百穀繡壤荼鋪

穀雨

卜茂豫以方昌

桐生維夏

立夏

盼穡收之徧滿麥熟

先秋

小滿

辨嘉種於平疇芒舒澤草

芒種

佇景風於敞榭火應星躔

夏至

扇薄暑以助恢食物資長養

小暑

沛

時霖而含潤溽土位中央

大暑

迎素

清寧合撰

上冊

三

顥以司權早涼歸樹

立秋

覩白藏之

應律餘燠隨颺

處暑

甘露云濡叶金

行於爽序

白露

嘉禾告稔朗弧宿於

中宵

秋分

水涸三秋湛珠華而瑩潔

寒露

霜清九野激玉宇以蕭森

霜降

陽月指而生冬纔驚隕擗

立冬

涼雨

凝而成雪細灑飛英小雪同雲報豐

玉之占砌呈三白大雪長日動飛灰

之瑄線認五紋冬至乍合凍以凝寒

吹騰廣莫小寒條除田而擊葶臘餞

嘉平大寒凡茲陰陽少太之潛移悉

本生朔送迎而遞嬗憶昔

清寧合撰

上冊

四

題拈呂覽

宣毫陋東海之篇洎子序展幽圖寫韻燦

西清之筆茲以幾餘託興賡載據吟

撫節候以重排似番風之疊引問雨

暘而稽寒燠規日月而考星辰訂作

訛成易之經由分得合積章部會元

之算舉正歸餘食哉惟時貞百度必
先歲省詩以言志塵一人所重民依
略舉弁言非矜藻思云爾

立春

帝王重省歲四序始於春

大寒加十五日
斗指東北維則

立春見孝經緯及淮南子天文訓一歲
十二月二十四氣七十二候五日為候三

清寧合撰

上冊

五

候為氣六氣為時四時為歲禮月令孟春
之月注云日月之行一歲十二會聖王因
其會而分之以為大數焉觀斗所建命其
四時正義引蔡邕云法象莫大乎天地變
通莫大乎四時縣象著明莫大乎日月故
先建春以奉天又正義曰是月也以立春
者十二月節氣有早晚若節氣晚則月之
節氣在當月之內若節氣早則月之節氣
在前月之中但至立春之時雖在十二月
即行立春之事凡云是月者謂是月之氣
非謂是月
之日也
天德惟生物君心在止仁一元

滋品彙萬象
韓陶鈞京尹郊迎氣農祥星

見晨

國語農祥晨正注云農祥房星晨正晨見東方謂立春之日

土蘇

初啓蟄冰解躍潛鱗象寓三陽暢雲翹樂

舞陳

漢書郊祀志元始中立春之日迎氣東郊歌青陽八佾舞雲翹之舞

雨水

木德青陽展根從天一生

立春加十五日斗指寅則雨水

清寧合撰

上冊

六

七脩類藁雨水正月中天一生水春始屬木然生木者必水也月令始雨水屬仲

春之月漢初猶以驚蟄為正月中雨水為二月節至律歷志則以雨水為正月中驚

蟄為二月節淮南子天文訓並同故農桑通設云按月節農時特取天地南北之中氣

立為標準若寒暖遠近之殊正開常變之異未嘗不推測後先以期人與天合物乘

氣至初非膠柱鼓瑟之謂陰凝含霽霽土潤暢滋榮正

月應中氣寅方指玉衡溪邊懶取祭霄半

雁長征妙合乾坤泰昭蘇動植萌和甘相
感名庶彙叶咸亨

驚蟄

地奮氣機暢蟄蟲皆震驚發揚初蠕動隱

伏始蟻行

雨水加十五日斗指甲則驚蟄
易豫卦曰雷出地奮漢書五

行志曰雷出地則長養華實發揚隱伏宣
盛陽之德呂氏春秋曰開春始雷則蟄蟲

清寧合撰

上冊

七

動矣緋萼陸離煥黃鸝覲睨鳴化鳩感育物

布穀喜催耕應候舒羣植叶時溥廣生招

搖臨甲位展拓啓句萌

春分

九十日之半敷榮品物欣陰陽相協合晝

夜恰平分

驚蟄加十五日斗指卯則春分
淮南子曰天地之氣莫大於

和者陰陽調
日夜分而生物
燕子簷間繞雷公霄際聞

發聲啓潛蟄掣電透輕雲祈社求多福勸

農始力勤
國語曰土發而社助時也注云土發春分也助時求福為農始

也淮南子脩田疇注春分播穀郊圻遍耕作和氣洽氤氳

清明

體驗清明候季春陽氣充
春分加十五日斗指乙則清明

清寧合撰
上冊

風至
禮月令是月也生氣方盛柳榆取

新火
周禮司烜氏以木鐸脩火禁於國中為季春將出火也歲時記清明取榆

柳之火順蘭蕙轉光風穎茁千畦麥華舒

百尺桐化鴛鴦田鼠映日見長虹敷土增

追慕禁烟憫守忠家家皆掃墓達孝與天

通

穀雨

和氣妙縈結滋培兆歲康羣生含潤澤甘

雨助豐穰

清明加十五日斗指辰則穀雨孝經緯曰雨生百穀也青

隴茁嘉穀綠萍漾錦塘鳴鳩拂其羽戴勝

降于桑蠶事時初屆農功候益忙陽春序

咸暢長夏繼繁昌

清寧合撰

上冊

九

立夏

韶華昭美富節候立夏

穀雨加十五日斗指東南維則

立夏禮月令孟夏之月注日之行夏南從赤道長育萬物爾雅夏為朱明注云夏

之氣和則赤而光明也

東作始蕃育南訛益茂榮蓄

昌皆感化長養溥平成蚯蚓承陽見穀蟲

應序鳴

爾雅釋蟲穀天螻注云螻蛄也月令音義云螻蛄夏小正穀則鳴

屬之三月月令屬之孟夏蓋夏小正以其
鳴之時日為言月令以其鳴之氣候為準
正與孟春疏云是月也者謂是
月之氣非謂是月之日相合 土瓜看已

結田麥喜將呈大德盈羣彙誕數九夏清

小滿

陽氣初充實嘉生小滿數

立夏加十五日
斗指巳則小滿

孝經緯言物於
此時小得盈滿也

柳烟方冪歷梅雨正涵

清寧合撰

上冊

十

濡火旺菜英秀陰柔苧蒹枯栽培槐夏始
成熟麥秋符碧浪連遙渚黃雲接遠蕪欣
看植多稼勞力憫農夫

芒種

蕤賓啓玉律盛樂八音揚

小滿加十五日
斗指丙則芒種

禮月令仲夏之月命樂師脩鞀鞀鞀均
琴瑟管簫執干戚戈羽調竽笙箎簧飭鐘

磬祝故注云為將大雩帝習樂也禮又曰
為民祈祀山川百源大雩帝用盛樂注云
陽氣盛而常旱山川百源能興雲雨者也
必先祭其本乃雩雩求雨之祭也自鞞鞞
至祝敬皆
作曰盛樂 麥隴穎全穫稻畦種有芒 三禮義宗

五月芒種為節言時可種有芒之穀故以
芒種為名周禮稻人種之芒種注云芒種
稻麥也蓋謂是時為
收麥種稻之候也 臨風翻穰稭食露感

螿螂鳴始百勞噪聲收反舌藏化機孳蠹

清寧合撰 上冊 土

動物候及飛翔待展方壇祀无疆厚德彰

夏至

日長應星火陽盛一陰生 芒種加十五日斗指午則夏至

書日永星火注云永長也謂夏至之日也淮南子曰夏至則斗南中繩陽氣極陰氣萌注云夏至日一陰生 熟麥薦宗廟 管子其盛以麥者穀之始也

耘田植稻杭角垂麋鹿解 月令以鹿角解屬夏至以麋角

解屬冬至說經家遂以鹿為山獸麋為澤獸其解角乃有得陽氣得陰氣之別然麋

鹿皆解角於夏惟麋則解角於冬曾經

皇考命近臣詳驗訂正因並於時憲冬

月更麋角為麋角而月令夏小正諸經文及傳行已久各書中則仍其舊云 韻

轉螽蛄鳴半夏茁原野兩端衡重輕

史記曰先

至三日垂土炭於衡兩端輕重適均夏至日陰氣至則土重

氣旋由二

至金伏待三庚爭辨剛柔際定心守潔清

清寧合撰

上冊

十三

小暑

昏火旦奎候氣蒸暑尚微

夏至加十五日斗指丁則小暑

三統律曰小暑大暑就極熱之中分為大小類函暑變溫風注小暑溫風至六月

節也 溫風極披拂烈日倍光輝蟋蟀居牆壁

鷹鷗學奮飛含靈咸轉運致養括樞機種

稻香颺漾耘禾汗雨揮田功正辛苦茂對

念民依

大暑

土德歲中旺陰陽二四疑

小暑加十五日
斗指未則大暑

禮月令中央土注云未月在金火之間
故特揭中央土一令以成四時之序內經

注云六月四陽二陰合蒸以生濕氣萬物
成土也霧露雲雨濕之用也安靜稼穡土

之德也管子曰陽至
火與氣九暑乃至

暑威未蕩滌濕氣益

清寧合撰

上冊

三

薰蒸腐草形難復流螢耀可憑赫炎積湫

溽霧霈沐清澄礎潤為霖驗益傾曰肅微

漸消蘊隆勢漫飲玉壺冰

立秋

大火西流候授時屆白藏

大暑加十五日
斗指西南維則

立秋 詩幽風七月流火
火燧大火者寒暑
之候也 疏服虔云大火心也
季冬十一

月平旦正中在南方大寒退季夏六月黃昏火星中大暑退爾雅秋為白藏注言秋之氣和則白而收藏也

金風薦涼爽玉露滴濃穠蟬

正千枝噪桐先一葉翔興來吟子美聲至賦歐陽夷則氣含肅葺收音應商稼成農樂稔比戶慶豐穰

處暑

清寧合撰

上冊

十四

溽暑因秋歛炎蒸氣盡消

立秋加十五日斗指申則處暑

孝經緯言瀆暑將退伏而潛處也

蒼鷹捕飛鳥珠露咽鳴

蛸商肅通天地日高淨汰寥嘉禾普成熟瑞穀遍滋饒川靜潦將徹林踈葉漸凋廣庭挹清潔爽籟響調刁

白露

金鬱凝陰布涼霄白露濡

處暑加十五日
斗指庚則白露

內經曰寒風曉暮草木凝烟濕化不流
則白露陰布以成秋令又曰金鬱之發夜
零白露注云乃
秋金發微也暑除知雨歇寒淺未霜敷

桂潤千囊粟荷擎萬顆珠塞鴻翔速渚元

鳥啓歸途備養禽藏食含芬棗剝膚最宜

明月夜的燦綴平蕪

清寧合撰

上冊

五

秋分

陰生至於酉驗候仲秋中氣判門初入白露

加十五日斗指酉則秋分 易通卦驗曰

秋分日入酉白氣出直兌此正氣也孝經

緯陰生於午極於亥故酉其中分也管子

以夏日至始數至九十二日謂之秋至而

禾熟說文曰酉為日分田告豐收聲寂雷

秋門萬物已入

電坏戶靜昆蟲潦涸淮河奠瀾安南北同

見星主平治春秋元命苞曰直弧北老人星見則治平主壽常以秋分
之候
獲稼樂盈充萬寶實倉廩西成農畢功

寒露

律中應無射氣寒露結凝天根昭水涸辰

角見霄澄

秋分加十五日斗指辛則寒露三禮義宗曰九月之時露氣

轉寒也國語曰辰角見而雨畢天根見而水涸注云大辰蒼龍之角角星名也朝見

清寧合撰

上冊

十六

東方寒露節也天根亢氏之間也謂寒露雨畢之後五日天根朝見水潦盡竭也

月皎懸如鏡雲輕散似繒雁鴻來不爽雀
蛤化相承菊砌黃華煥楓屏紅錦蒸欣看
滋晚稼序順協休徵

霜降

秋氣益嚴肅戒寒露作霜降原臨冷節收

物應清商

寒露加十五日斗指戌則霜降也霜降而 捕獸豺陳祭來賓雁向陽離披

也霜降而

收縮萬物

草變綠搖落葉全黃天駟層霄見

國語曰天駟見而

隕霜注云天駟房星也唐書後

寒露十五日而天駟見故隕霜則蟄蟄蟲深

穴藏楓林添絢爛青女炫容光

立冬

清寧合撰

上冊

文

陽月百工斂初冬萬物成

霜降加十五日斗指西北維則

立冬爾雅十月為陽歲時事

要十月天時和暖故曰小春 小春彌宇

宙大饗會公卿穫稻為佳釀躋堂稱兕觥

禮月令孟冬之月大飲烝注云十月農功畢天子諸侯與其羣臣飲酒於太學以正

齒位謂之大飲詩幽風曰躋彼公堂稱彼

兕觥月令大飲烝注亦引此章為是頌大

飲之詩正義曰案此大飲烝是天子之禮

幽風躋彼公堂是諸侯之禮故曰天子諸

侯與羣臣也毛傳云公堂學校也蓋是月
歲功告成天子諸侯舉行燕饗之禮升學
校之堂舉兕觥之爵臣
下慶君受福無疆也
水凝冰始結地凍

氣將盈雉入水為蜃龜塗血用牲

禮月令
孟冬之

月命太史釁龜筮疏云是月太史之
官釁龜筮謂用牲血以塗釁其龜筮黃綿

舒愛日和煦被羣生

小雪

清寧合撰

上冊

六

氣寒先集霰作雪始霏微見晁薄糝化隨

風細屑飛

立冬加十五日斗指亥則小雪
三禮義宗曰十月氣序轉寒

雨變成雪故
以小雪為中潛藏虹不見閉塞歲將歸上

達天心迴下凝地脈肥沐膏欣決洽承澤

豈依稀高宇同雲釀已徵盈尺機

大雪

暢月重陰結霧霽大雪敷六花新蕊拓三

白瑞徵符

小雪加十五日斗指壬則大雪三禮義宗曰形於小雪為大

雪時雪轉甚故以大雪為節詩上天同雲兩雪霽霽傳曰霽霽雪貌豐年之冬必有積雪疏曰明年將豐必有積雪為宿澤也農政全書臘前三白大宜麥菜

舒瓊粵冰同朗玉壺無聲潛鷗旦有感合

於菟荔挺出林角芸根生户隅鱗塍遍皎

清寧合撰

上冊

九

潔宿麥沐涵濡

冬至

義馭行南至極陰物候推天心七日復地

底一陽來

大雪加十五日斗指子則冬至淮南子曰冬至則斗北中繩

陰氣極陽氣萌易復卦彖曰七日來復天

行也又曰復其見天地之心乎疏曰冬至一陽生是陽動而陰復於靜也線益金閨繡室飛玉瑄灰

蚓蟲依序結塵角及時摧泉動漾深壤雲
書煥上台展禋大報本生物氣機恢

小寒

不周風盛發氣肅釀輕寒

冬至加十五日
斗指癸則小寒

三禮義宗曰小寒亦形於
大寒為小言時寒氣未極也

垂屋田功歛

于茅民力殫占風雁程啓擇向鵲巢安錦

清寧合撰

上冊

子

雉鳴有鷺土牛攘去殘

禮月令季冬之月
命有司大難旁磔

出土牛以送寒氣注云此難難陰氣也疏
云旁磔者旁謂四方之門皆披磔其牲以
攘除陰氣出土牛者出猶作也土能
克水故特作土牛以畢送寒氣也

嘗魚

薦宗廟脩器勸農官已屆嘉平節迎新慶

履端

大寒

來復機初暢大寒氣始宣

小寒加十五日斗指丑則大寒

三禮義宗曰上形於小寒故謂之大自十一月一陽爻初起至此始徹陰氣出地方盡寒氣併在上故為大寒 嚴凝飈若箭粟烈火無烟

峙靜雞方乳林踈鳥疾穿層冰徹上下互

凍倍剛堅默契乾坤奧敬持造化權萬年

週甲子元會妙推遷

書曰乃命羲和欽若昊天敬授人時又曰

清寧合撰

上冊

三

在璿璣玉衡以齊七政古聖王茂對時所以育萬物也顧二十八宿周天之度十二辰日月之會氣之推移候之運轉環元會曆苞符遞壇無窮貞元不息惟能勅壘時幾行健以法天無疆以法地易所謂日月得天而能久照四時變化而能久成聖人久于其道而天下化成者信乎其與天地合德矣予撫辰矧績不敢康寧所冀微協箕疇氣和玉燭天工民事無曠無愆以臻億載承平之治故予屢用時序紀之篇什則此詠亦不外乎制治保邦



